

Rhaglen Gwyddor Gofal Iechyd

Cylchlythyr Medi 2021

Newyddion y rhaglen

Y llynedd, fe wnaethom ofyn i'n gweithlu gwyddor gofal iechyd ddarparu data ynghylch arloesedd a ffyrdd newydd o weithio i gefnogi lleoli gwyddonwyr gofal iechyd (GGI) yn ystod yr ymateb parhaus i bandemig COVID-19. Mae'n bleser gennym gyhoeddi bod adroddiad Astudiaeth Arloesi a Thrawsnewid COVID-19 GIG Cymru wedi'i lansio ar 23 Mehefin. Cyfrannodd ein gweithlu gwyddor gofal iechyd at nifer o astudiaethau achos a ddadansoddwyd ar ffurf pennod gyfan yn yr adroddiad hwn. Gallwch ddarllen yr adroddiad llawn trwy [Gyddfederasiwn Cymru'r GIG](#).

Yn dilyn ymgynghori â Manyleb y Gwasanaeth Niwroffisioleg, mae papur wedi'i gyflwyno i'r Grŵp Gweithredol Cydweithredol yn eu gwahodd i roi sêl bendith ar y fanyleb gwasanaeth enghreifftiol a'i chymeradwyo at ddiben ei mabwysiadu'n ffurfiol gan fyrdau iechyd unigol yng Nghymru. Mae gweithdy wedi'i drefnu ar gyfer 2 Tachwedd i ddod â chydweithwyr ynghyd i ddatblygu cynllun gweithredu clinigol-ddeallus a nodi'r goblygiadau sy'n gysylltiedig â mabwysiadu'r Fanyleb Gwasanaeth. [Gallwch gofrestru ar gyfer y gweithdy nawr trwy Eventbrite](#).

Mae Cylch Gorchwyl wedi cael ei ddrafftio at bwrpas hwyluso Grŵp Gorchwyl a Gorffen Cyfarwyddiadau Grŵp Cleifion Gwyddonwyr Clinigol, Ymarferwyr yr Adran Lawdriniaethau a Gwyddonwyr Biofeddygol. Pwrpas y grŵp hwn fydd ystyried y camau sy'n angenrheidiol i weithredu'r defnydd o Gyfarwyddiadau Grŵp Cleifion yn llwyddiannus gan Wyddonwyr Clinigol, Ymarferwyr yr Adran Lawdriniaethau a Gwyddonwyr Biofeddygol yng Nghymru.

Rydym wedi bod yn gweithio'n agos gyda'r tîm Gwnaed yng Nghymru o fewn Addysg Iechyd a Gwellia Cymru (AaGIC) i gynorthwyo gyda datblygu llwybrau gyrfa ar gyfer gwyddor gofal iechyd. Mae drafftiau cychwynnol yn cael eu datblygu ar gyfer Patholeg a bydd y rhain yn cael eu defnyddio fel templed i lywio meysydd eraill gwyddor gofal iechyd. Bydd y llwybrau'n dangos dilyniant gyrfa clir o fod yn Wyddonydd Cyswllt Gofal Iechyd hyd at Gyfarwyddwr Therapiau a Gwyddor Iechyd. Rydym hefyd wedi bod yn gweithio gyda'r tîm Cyfathrebu a Gyrfaedd o fewn AaGIC i gynorthwyo gyda datblygu Tregyrfa. Bydd Tregyrfa yn lansio ar 21 Hydref ac rydym yn llawn cyffro ynghylch arddangos ein cydweithwyr GGI o bob cwr o Gymru sydd wedi rhannu cynnwys fideo, blogiau a delweddau â ni.





Mae gennym ni newyddion tîm rhaglen cyffrous! Rydym wedi penodi Lauren Howells i rôl Technolegydd Dysgu. Yn flaenorol, bu Lauren yn gweithio o

fewn y tîm Cynllunio yn AaGIC a bydd nawr yn cynorthwyo'r Rhaglen Gwyddor Gofal Iechyd Genedlaethol gyda chefnogaeth ddigidol fel rhan o'i rôl. Mae gan Lauren brofiad o greu cynnwys digidol a bydd ei set sgiliau unigryw yn ychwanegiad anhygoel i'r rhaglen i gynorthwyo gyda

chefnogaeth digwyddiadau, creu cynnwys a chyfoethogi'r adnoddau presennol ar ffurf adnoddau digidol.

Yn olaf, rydym yn dathlu bod Samantha Cook yn ei swydd ers dwy flynedd fel Uwch-swyddog Cymorth Prosiect ar gyfer y Rhaglen Gwyddor Gofal Iechyd Genedlaethol. Ymunodd Sam â thîm y rhaglen ym mis Medi 2019 yn dilyn gweithio mewn amryw o rolau yn y GIG. Mae hi wedi gweld y rhaglen yn tyfu o fod yn dîm bach o ddau yng Nghydweithfa Iechyd GIG Cymru, i fod yn dîm sydd wedi'i wreiddio'n llawn o fewn tîm ehangach AaGIC gydag ymgysylltiad rhagorol gan ein cymuned gwyddor gofal iechyd ehangach.

Pecyn cymorth CV a chyfathrebu animeiddiedig

Yn ein cylchlythyr diwethaf, fe wnaethom eich cyflwyno i'n Ffeithlun Gyrfaedd Gwyddor Gofal Iechyd. Y mis hwn, rydym wedi'n cyffroi i fod yn cyhoeddi lansiad ein CV Animeiddiedig i hyrwyddo'r cyfleoedd sydd ar gael ym maes gwyddor gofal iechyd. Mae'r animeiddiad yn egluro, yn syml, ehangder gwyddor gofal iechyd ledled GIG Cymru. Mae'n cwmpasu meysydd gan gynnwys llwybrau gyrfaedd i'r 50+ o ddisgyblaethau ac yn crynhoi pob un o'r pum grŵp proffesiynol o fewn y maes. [Gallwch wyllo'r fideo llawn yma.](#)

Mae'r CV Animeiddiedig yn ychwanegiad at ein pecyn [cymorth cyfathrebu](#) sy'n tyfu a bydd yn cyplysu â'r [Ffeithlun Gyrfaedd Gwyddor Gofal Iechyd](#) a'r [Rhestr Chwarae YouTube Gwyddor Gofal Iechyd](#) newydd ar Sianel YouTube AaGIC. Ers i ni ryddhau'r CV Animeiddiedig, mae'r fideo wedi derbyn dros 37,000 o argraffiadau ar Twitter ac wedi'i rannu gan gydweithwyr ledled y DU.

Yn yr un modd â'r ffeithlun, mae'r adnodd hwn wedi'i gyd-gynhyrchu gyda'n Grŵp Cyfathrebu ac Ymgysylltu Gwyddor Gofal Iechyd, Bwrdd y Rhwydwaith Gwyddor Gofal Iechyd, Cyfarwyddwyr

Therapiau a Gwyddorau Iechyd a nifer o gydweithwyr o sawl adran yn AaGIC. Diolch o galon i bawb sydd wedi bod yn rhan o greu'r adnoddau hyn, rydym wir yn gwerthfawrogi'ch mewnbwn i'r gwaith hwn. Gallwch ddod o hyd i'r [datganiad newyddion o'r CV Animeiddiedig](#) trwy wefan AaGIC.

Rhannwch â'ch cydweithwyr, rhwydweithiau, teuluoedd a ffrindiau - gweiddwch dros bob man am y gwaith gwyb ac ehangder anhygoel gwyddonwyr gofal iechyd a'r effaith rydych chi'n ei chael ar y system iechyd ehangach.



Medal Aur Llywydd IPEM am wasanaeth eithriadol yn ystod pandemig COVID-19



*Rhannwyd rhan o'r erthygl hon yn wreiddiol ar wefan [BIP Bae Abertawe](#)

Mae'r Tîm Ymbelydredd nad yw'n Ïoneiddio yn Ysbyty Athrofaol Cymru yng Nghaerdydd, a'r Tîm Hyfforddiant Dyfeisiau

Meddygol yn Ysbyty Treforys ill dau wedi ennill Medal Aur Llywydd IPEM am wasanaeth eithriadol yn ystod y pandemig COVID-19.

Mae'r wobwr ar gyfer y Tîm Ymbelydredd nad yw'n Ïoneiddio yn adlewyrchu gwaith caled, hyblygrwydd, gwytnwch a pherfformiad y tîm o'r safon uchaf wrth addasu darpariaeth gwasanaeth, tra hefyd o dan bwysau clinigol ac ansicrwydd eithafol, i gynnal delweddu fasgwlaidd brys COVID-19 ac achosion heb gyswllt â COVID.

"Mae pawb wedi chwarae'u rhan. Rydw i'n falch iawn o'r ffordd y mae pawb yn y tîm wedi cyd-dynnu a'r gwasanaeth rydyn ni wedi'i ddarparu yn ystod y flwyddyn a hanner ddiwethaf. Diolch o galon a da iawn chi i gyd!" Dr Kate Bryant - Pennaeth Ymbelydredd nad yw'n Ïoneiddio, BIP Caerdydd a'r Fro.

Cafodd y tîm hyfforddiant Dyfeisiau Meddygol effaith sylweddol o ran gwella gofal cleifion, gan arddangos rhagoriaeth ac arweinyddiaeth dros yr 16 mis diwethaf. Roedd tri maes allweddol lle dangosodd y tîm ragoriaeth a ffyrdd arloesol o weithio:

- Sgiliau Hanfodol (Yn ôl i'r Llawr) a oedd yn cynnwys hyfforddiant ar gyfer nyrsys wedi ymddeol ac ymarferwyr yr adran lawdriniaethau, myfyrwyr ail flwyddyn, meddygon dan hyfforddiant, staff cymunedol a'r sawl a oedd yn dychwelyd i'r gwaith, mewn meysydd fel therapi mewnwythiennol (IV), gwisgo a diosg PPE, diogelwch rhagnodi ocsigen.
- Sefydlwyd Canolfan IV newydd yn ardal newydd, 28 gwely, yr Uned Gofal Dwys (ITU) dros dro yn Nhreforys. Gwelodd y prosiect staff wedi'u hadleoli yn cael eu hyfforddi i lunio a pharatoi arllwysiadau mewnwythiennol yn barod ar gyfer y dasg enfawr o drin cleifion COVID-19 gwael iawn mewn lleoliadau ITU.
- Sesiwn hyfforddi ar ddiogelwch rhagnodi nwy meddygol ac ocsigen. Y cwrs hwn fu'r sesiwn a fynychwyd fwyaf, gyda'r tîm yn teithio i bob cwr i sicrhau bod staff a oedd yn goruchwylio ac yn gofalu am gleifion yr oedd angen therapi ocsigen arnynt hefyd yn cael eu cynnwys yn yr hyfforddiant diweddaedig newydd.



“Ni fyddai dim o hyn wedi bod yn bosibl heb gymorth, mewnbyn a chefnogaeth gan ystod o staff gan gynnwys Claire Devine a Jennifer Thomas o’r tîm hyfforddiant dyfeisiau meddygol, cydweithwyr o addysg a hyfforddiant nyrsys, nyrsio corfforaethol, staff Stadiwm Liberty ac, wrth gwrs, yr holl staff a gwirfoddolwyr hynny a gamodd i’r adwy i ateb yr alwad a chofrestru i helpu a chynorthwyo ein cleifion yn ystod yr amseroedd digynsail hyn. Mae’r fedal Aur hon yn gwobrwyo ymdrech tîm go iawn.”

Paul Lee - Rheolwr Hyfforddiant Dyfeisiau Meddygol, BIP Bae Abertawe.

Bydd y seremoni wobrwyo yn cael ei chynnal ar-lein yn y Gynhadledd Ffiseg a Pheirianeg Feddygol (MPEC) rhwng 21 – 23 Medi lle bydd y timau’n rhannu cyflwyniad 10 munud am eu cyfraniad eithriadol i bandemig COVID-19. Bydd enillwyr y Fedal Aur hefyd yn cael sylw yn rhifyn Rhagfyr 2021 o SCOPE – cylchgrawn aelodau’r Sefydliad Ffiseg a Pheirianeg mewn Meddygaeth (IPEM).

Llongyfarchiadau i’r ddau dîm ar y wobwr fawreddog haeddiannol hon!

Dyfarnu am y tro cyntaf Fwrsariaeth PhD IPEM mewn Gwaith

*Rhannwyd yr erthygl hon yn wreiddiol ar [wefan IPEM](#)

Cyhoeddwyd derbynnydd cyntaf bwrsariaeth PhD mewn Gwaith newydd gan IPEM.

Mae’r fwrsariaeth newydd, a gyflwynwyd yn 2021, i helpu myfyrwyr sydd am ymgymryd â PhD rhan-amser mewn maes diddordeb sy’n gysylltiedig ag IPEM mewn prifysgol neu sefydliad ymchwil yn y DU. Bydd y cyllid yn talu am y ffioedd yn unig, hyd at £ 5,000 y flwyddyn am uchafswm o bum mlynedd, ac ni chynhwysir unrhyw gostau ymchwil na threuliau byw.

Mae Belinda Gorell yn Wyddonydd Clinigol yn y Gwasanaeth Diogelu Ymbelydredd yn Ymddiriedolaeth GIG Prifysgol Felindre, Caerdydd.

Dywedodd Belinda: ‘Rydw i wedi gwirioni ac yn gwerthfawrogi derbyn y wobwr bwysig hon gan IPEM. Bydd yn fy ngalluogi i gynnal ymchwil ar ddatblygu dull gweithredu seiliedig ar dystiolaeth o ymdrin ag optimeiddio dos ymbelydredd newydd enedigol a phediatreg, maes yr wyf yn angerddol yn ei gylch.

‘Rydw i’n llawn cyffro i ddechrau’r siwrnai hon gyda chefnogaeth fy ngoruchwylwyr Dr Nicolas Courtier, yr Athro Daniel Kelly, yr Athro William Evans a Dr Matthew Talboys. Rydw i’n ddiolchgar iawn i IPEM am y cyfle hwn ac edrychaf ymlaen at ddechrau’r PhD.’

Darllenwch fwy am [brosiect Belinda ar wefan IPEM](#).

Llongyfarchiadau Belinda!



Cynhadledd a Gwobrau Gweithwyr Proffesiynol Perthynol i Iechyd a Gwyddonwyr Gofal Iechyd Cymru Gyfan 2021 - Cymru Iachach: Ymlaen Gyda'n Gilydd



Bydd Pwyllgor Cymru ar gyfer Proffesiynau Perthynol i Iechyd (WAHPC) a Phwyllgor Cyngori Gwyddonol Cymru (WSAC) yn cynnal cynhadledd rithwir undydd ar 25 Tachwedd 2021. Bu cyfoeth o arloesedd yn ystod y pandemig, sydd wedi'i ddatlu'n haeddiannol. Dyma gyfle i arddangos cyflawniadau'r gweithlu. Gallwch ddarganfod mwy o wybodaeth trwy [Wefan AHA](#).

Mae'r Gwobrau Hyrwyddo Gofal Iechyd yn ôl ar gyfer 2021 ac fe'u cynhelir ddydd Gwener 26 Tachwedd 2021. Mae'r rhaglen wobrwyo yn agored i bawb sy'n gweithio mewn proffesiynau perthynol i iechyd a

gwyddor gofal iechyd ledled Cymru, gan gydnabod a dathlu cyflawniadau'r ddau broffesiwn.

Mae wyth gwobr i'w cystadlu amdanynt:

- y wobwr am ffyrdd newydd o weithio
- y wobwr am wella canlyniadau iechyd cyhoeddus
- y wobwr am gyfraniad rhagorol i gyflawni ymchwil
- y wobwr am arweinyddiaeth a rheolaeth newid
- y wobwr am brosiect myfyriwr rhagorol sy'n helpu Cymru i symud ymlaen fel un
- y wobwr am ragoriaeth mewn adsefydlu
- y wobwr am arloesi digidol a thechnolegol
- y wobwr am gyflawniad rhagorol gan AHP neu brentis gwyddor gofal iechyd, gweithiwr cymorth, cynorthwydd neu aelod cyswllt

Cyhoeddir yr enillwyr yn y seremoni rithwir ar 26 Tachwedd - rydym wedi'n cyffroi i glywed popeth am eich cyfraniadau eleni!

Sesiwn Sbotolau Gwyddor Gofal Iechyd

Ar 23 Mehefin, cynhaliodd y Tîm Rhaglen Gwyddor Gofal Iechyd Genedlaethol Sesiwn Sbotolau dan y teitl "Edrych ymlaen at y flwyddyn i ddod". Rhoesom ddiweddiariad ar y gwaith y mae'r Tîm Rhaglen yn ei wneud yn ystod 2021/2022, dathlu buddugoliaeth WINGS fel enillwyr y Gwobrau Hyrwyddo Gofal Iechyd, a chlywed gan Dr Rob Orford ynghylch blaenoriaethau Llywodraeth Cymru ar gyfer gwyddor gofal iechyd wrth symud ymlaen.

Recordiwyd y sesiwn ac mae bellach ar gael ar ein [rhestr chwarae YouTube](#).

Rydym yn falch o gyhoeddi y byddwn yn cynnal Sesiynau Sbotolau trwy gydol 2021/22 a byddwn yn

canolbwyntio ar faes pwnc ar gyfer pob sesiwn. Byddant hefyd yn cael eu recordio a'u huwch lwytho i'n tudalennau gwe gwyddor gofal iechyd ar wefan AaGIC ar gyfer unrhyw un sy'n methu â mynychu'r digwyddiad byw.

ARBED Y DYDDIAD



SESIWN SBOTOLAU RHAGLEN GWYDDOR GOFAL IECHYD CENEDLAETHOL

23 MEHEFIN 2021 10:00 - 11:00

Ymunwch â ni wrth i ni:

- Ddechrau "Edrych Ymlaen" i'r flwyddyn sydd i ddod ar gyfer y Rhaglen Gwyddor Gofal Iechyd
- Dathlwyd ein Henillwyr Gwobrau Hyrwyddo Gofal Iechyd - WINGS
- Cewch glywed am Flaenoriaethau Llywodraeth Cymru ar gyfer Gwyddor Gofal Iechyd



Mae'r dyddiadau ar gyfer y sesiynau sydd ar ddod a dolenni Eventbrite ar gyfer tocynnau isod:

- **Adroddiad Astudiaeth Arloesi a Thrawsnewid COVID-19 GIG Cymru**

Dydd Llun 11 Hydref 14:00 – 15:00

<https://www.eventbrite.co.uk/e/167421806129>

- **Nawdd Cyfwerthedd**

Dydd Mercher 17 Tachwedd 10:00 – 11:00

<https://www.eventbrite.co.uk/e/167425697769>

- **Arweinyddiaeth mewn Gwyddor Gofal Iechyd**

Dydd Mercher 19 Ionawr 10:00 – 11:00

<https://www.eventbrite.co.uk/e/167426648613>

Rydyn ni'n edrych ymlaen at eich gweld chi yn y sesiynau, cofrestrwch nawr!

Cyfarfod â'r Gwyddonwyr Gofal Iechyd

Mae gan y GIG draddodiad cryf o feithrin y gwyddonwyr gofal iechyd disgleiriaf, ac rydyn ni mor falch o gael clodfori'r gwyddonwyr gwyh sydd gennym yn gweithio o ddydd i ddydd yn darparu gofal o ansawdd uchel i bawb.

Mae Amy Osbourne yn Weithiwr Cymorth Biofeddygol mewn Feiroleg gydag Iechyd Cyhoeddus Cymru. Darllenwch am daith gwyddor gofal iechyd Amy hyd yn hyn isod:

Alli di ddweud wrthym am dy ddisgyblaeth gwyddor gofal iechyd?

Rydw i'n gweithio fel aelod o dîm Feiroleg adran Ficrobioleg Iechyd Cyhoeddus Cymru. Ar hyn o bryd, rydw i'n gweithio gyda phroffion COVID-19 yn unig. Rydw i'n dadbacio'r samplau sy'n cyrraedd, a allent fod yn broffion cleifion mewnol ar gyfer derbyniadau/ llawfeddygaeth ysbyty neu broffion o ganolfannau profi cymunedol, labelu'r samplau gyda chodau bar fel y gellir olrhain y profion trwy gydol eu hamser yn y labordy, ac yna paratoi'r samplau i'w profi gan y gwyddonwyr biofeddygol. Mae'r tîm yn cynnwys Gweithwyr Cymorth Biofeddygol, Ymarferwyr Cyswllt, Gwyddonwyr Biofeddygol dan Hyfforddiant, Gwyddonwyr Biofeddygol ac Uwch-wyddonwyr Biofeddygol – rydym i gyd yn chwarae rhan hanfodol wrth sicrhau bod y profion yn cael eu cynnal yn effeithlon. Rwyf hefyd yn darparu cefnogaeth i'r timau Seroleg a Chlamydia fel rhan o fy rôl – fel arfer ar ffurf gwaith gweinyddol fel sganio ffurflenni cais am brawf neu storio samplau.



Beth wyt ti'n ei fwynhau am dy swydd?

Rydw i'n mwynhau'r gwaith tîm sy'n gysylltiedig gan ei fod yn golygu ein bod ni'n datblygu perthynas gref â'n gilydd. Rydw i hefyd yn hoffi'r ffaith fy mod i'n chwarae rhan fechan yng ngweithrediad yr ysbyty, rydw i'n gwerthfawrogi bod claf yn dibynnu ar y prawf hwn ac mae'n fy ysgogi i gynnal ffocws bob amser.

Beth ydy dy uchelgeisiau gyrfa?

Hoffwn naill ai sicrhau rôl Gwyddonydd Biofeddygol dan Hyfforddiant o fewn Microbioleg a datblygu i fod yn Uwch-wyddonydd Biofeddygol, neu sicrhau lle ar y Rhaglen Hyfforddi Gwyddonwyr a hyfforddi i fod yn Wyddonydd Clinigol mewn Microbioleg Glinigol.

Sut wnest ti gyrraedd yma?

Astudiais Lefel A mewn Bioleg, Addysg Gorfforol a Hanes. Yna es i drwy system glirio i ennill lle ym Mhrifysgol Metropolitan Caerdydd ar y cwrs BSc mewn Gwyddorau Biofeddygol gydag Iechyd, Ymarfer Corff a Maetheg. Ar ôl fy mlwyddyn gyntaf, trosglwyddais i'r cwrs BSc mewn Gwyddoniaeth Biofeddygol wedi'i achredu gan IMBS, yr wyf yn dal i'w astudio ar hyn o bryd.

Pa fath o berson fyddai dy rôl swydd yn addas ar ei gyfer?

Byddai fy swydd yn gweddu i rywun sydd â diddordeb mewn gwyddoniaeth, sy'n dosturiol ac wedi'i gymhell gan y syniad bod y profion hyn yn bwysig i'r cleifion, rhywun sy'n gallu gweithio'n dda o dan bwysau ac sy'n gallu addasu'n gyflym i bwysau newydd, a rhywun sydd eisiau gweithio fel rhan o dîm mawr mewn ysbyty.

Gadewch i ni weiddi dros bob man am y gwaith anhygoel rydych chi'n ei wneud. Os hoffech chi ymhél â'n hadran 'Cwrdd â'r Gwyddonwyr', cysylltwch â Sam drwy samantha.cook3@wales.nhs.uk.

Mae angen eich help arnom

Rydym yn dal i chwilio am unigolion o bob agwedd o wyddor gofal iechyd yng Nghymru i gymryd rhan yn ein harolwg proffiliau swyddi. Pwrpas yr holiadur yw casglu amrywiaeth o 'broffiliau swyddi' gan amlinellu'r canlynol:

- yr amrywiaeth o ddisgyblaethau a geir o fewn gwyddor gofal iechyd
- y gwahanol lefelau o ddilyniant gyrfa
- y gwahanol lwybrau mewn addysg a hyfforddiant sy'n arwain at ddod yn wyddonydd gofal iechyd
- mewnwelediad i wahanol rolau swydd a chyfrifoldebau amrywiaeth o unigolion

Defnyddir y proffiliau hyn mewn nifer o ffyrdd i hyrwyddo gwyddor gofal iechyd ac arddangos gwaith anhygoel ein proffesiynau.

Cwblhewch eich [proffil swydd yma](#) a tharo golwg ar rai o'r proffiliau swyddi gwych yr ydym wedi'u derbyn gan gydweithwyr ar draws holl ddisgyblaethau gwyddor gofal iechyd ar [ein tudalennau gwe](#).

Aelodaeth Fforwm Myfyrwyr Iechyd Cymru

Mae Fforwm Myfyrwyr Iechyd Cymru (WHSF) yn fforwm amlddisgyblaethol sy'n cynnwys myfyrwyr cyn-gofrestru oddi ar gyrsiau gofal iechyd a ddarperir yng Nghymru, sydd ag angerdd ynghylch llunio'r profiadau dysgu ar gyfer myfyrwyr presennol a myfyrwyr y dyfodol.

Nawr bod y garfan newydd o fyfyrwyr yn dechrau ar eu blwyddyn academiaidd newydd, gadewch i ni annog ein myfyrwyr cyn-gofrestru i ymuno â'r fforwm. Mae'r WHSF yn agored i bob myfyriwr gofal iechyd ac yn grymuso 'myfyrwyr i gefnogi myfyrwyr'.

Ymunwch â'r Fforwm trwy lenwi'r ffurflen ganlynol [Cofrestriad Fforwm Myfyrwyr Iechyd Cymru](#) neu sganio'r cod QR hwn.



Fforwm Myfyrwyr
Iechyd Cymru

Wales Health
Student Forum

